



郭雲山日記



嘉慶庚申四月初九日錢塘趙素門先生抄贈
知元蹟在宋芝山先生處十一日偕周松泉五兄
訪芝山於剪刀巷寓館以真蹟不在行篋中出
手抄副本見偕即趙本所從出也袖歸舟次校
勘竟日五鼓次大麻始畢記此以誌良友之惠

郭天錫文集序

吾友郭君天錫之子啟一日捧金中門而告余曰此啟先君
子文集也惟不幸棄諸孤時啟方孩提未有知今二十餘年矣
平生著述詩文散失之餘蒐羅箱篋殘編斷簡僅得若干首釐
為若干卷繕寫成帙而碑陰先友惟先生在儻賜觀覽而叙冠
其端俾得以傳世則先君子為不朽也余老矣停雲之思日切
于懷其忍為君執筆乎然詎不可辭吾父韋齋翁與君之
父義山先生為道義交往來欵密有通家之好先生年且七十
乃終君少於余一歲童仆相從意氣已相得然惟以學問相濯
磨戲言狎態未始一形于聲音笑貌也弱冠同試藝憲司而貢
于六府各版授校官自是宦遊朔南或出或處會合之日少而
乖違之日多故雖居同里閉而詩話倡疇見於集中者無幾焉
君身長八尺餘美須頰善論辯通國語侷僮畧邊幅堂然
偉丈夫也王公大人見之莫不竦然起敬且長於書畫吳興趙
公子昂漁陽解于公伯機前邱李公仲賓房山高公彥敬曹南



商公德符皆相與頡頏碌々餘子眎之若無人而喜與方外之士遊談空覈玄往々挫其機鋒抉其微妙山林清饋踵接于門一時名聲籍甚江浙行省嘗奉旨擇能書者楷寫大學衍義以進君與其選飲酒有鯨吸之量醉墨淋漓信手揮洒當其得意脫幘卻立咄々自嗟賞曰此不減古人也尺鱗片楮得者寶之延祐甲寅之歲科舉肇行君以經明行脩實興于鄉次場試太極賦日方午盤桓場屋間時憲使佟公伯起寔監試梅闈中望其狀貌魁梧遣吏召之前問鄉貫姓名且曰汝賦已就乎曰已納卷矣曰汝能倍誦乎君應口誦無疑音吐洪暢聽者屬耳曰汝能更賦秋暘乎君曰唯々即授簡授翰立就疊々數十韻多奇峭語佟公大奇之曰取士得如此足矣洎揭榜而君名弗與蓋考官辟嫌也繇是文譽益振後累舉皆不赴吁今復有若人者哉余嘗讀劉賓客柳河東集序謂三光五嶽之分合繫乎文章之高下誠哉是言也我朝奄有四海蟠天際地悉主悉臣光嶽之合亘古莫京英才碩彥宜乎出于斯時使之作為文章以鳴國家之盛君生于混一之後而卒於承平之世

發揚蹈厲大肆厥辭氣完而聲淳調高而格正煥乎斧藻之彰施鏗乎金石之考擊泰和渾厚之氣藹藹溢乎簡冊誠治世之雅音而盛時之傑仁也惜乎天不假之年仕不稱其志使其躋清華承著作周旋乎道山延閣翱翔乎西掖北門得以闡鴻猷鋪景鑠則其可觀豈止如是而已乎君先世洛水人宋靖康中辟地于茲自其高曾大父四世相傳終鮮兄弟其祖母禱于神而得君故其名畀而字以天錫也晚年號思退以自抑其兼人之過方其教授吳江辟掾丞相府人謂駸々要途將自此升而竟其弗克壽年財五十六耳豈造物者豐其賦乎而嗇其設施耶豈豐嗇有定數而造物者無所容其心耶抑偶然耶莫可得而詰也君三子曰永曰肇而啟其家幼者也乃能掇拾遺文汲々乎思有以傳後世而光先業亦可謂賢也已序而歸之姑以寓夫朋友之誼云爾若曰君之詩文藉是以傳則非余之所敢當也至正十五年八月既望儒林郎松江府判官致仕俞希魯謹書

元退思郭子吾嘗聞其人矣文則未之見也希魯俞子序退
思集吾今見其文矣人則未之聞也夷考其序步驟瞻足有
典為則字畫且有楷法見其文固可得其人已因俞之文以
求郭之文有不待承其顏面聽其論議而後知者然非曹
卿汝學持此以示二子得無無失乎錦包玉軸曹能裝演珍
重以存之其為人與文又得之矣
崑山周倫跋

退思集世無傳本此序後真跡錄出後有崑山周司寇
跋語並為寫出以附雲山日記之後嘉慶乙丑秋仲趙魏識

元郭天錫手書日記真迹

廿七日晴餘熱

李行簡來



空叟



一枝頗奇



毛國華秀才月常州來見 俞用中張仲方趙茂元來 盛

季高來閑望久之 見徐生不遇 回毛兄禮

廿八日早雨止晚稻菜豆之類得濟 鄭翔遠來 陳和甫來

廿九日陰 葉子華來

至大戊申九月初一日 早到路學同知拜殿諸官先散王教

亦迨逐而去遂請住投公牒為悔保蕭學司事 公堂對眾

亦以乃事白之眾人及陳學正。燒壽星紙。拜親。訪何
德甫。次見余慶餘會胡山齋戴居雲。蓋君玉。路遇趙茂
元亦馬上行。數十步遇雲公顯舍人握手話去年此日在邳
州道中時相與一笑。堯子泰來。值出章君文來。孟宅取
染。

初二日雨。陳靜齋來。房晦叔續至。坐頃葉子華來。陳舍人
来自沙間。沽酒待之。金壇催僕蔣興談新來。夜雨。

宋抄近作正。

初三日雨。陳和父來。錄示新文。小牕兀坐。誦滿城風雨近。

重陽之句。誰其慰予岑寂耶。葉子華徐耐翁來。

初四日雨晴。出見李提舉會季和之。辛提舉康錄事。見郭

元吉不遇。見俞仲連會趙心甫。回謁陳直學訪章君文

會周寬。訪陳君義。次見陳茂叔。見陳和甫不遇。陳景

南來。同見房晦叔。

戊申九月初五日。陳和甫來。金壇催僕蔣興來。分付鈕受二

祖。洪耆宿來。陳菊田來。邢竹堊來。王君鼎來。盧仲

益自沙間來見。李仲謙一山之姪。自常州來見。宗定齋

來。趙茂元來借印書版。甘露新古屋和尚來為碑事借鎮江志看晚見王君鼎不遇。

初六日晴。早回謁李仲謙。次過丹陽館前遇吳良臣。次到府中見王君鼎。盧生來求書帛掛十四幅。李仲謙携紙求書畫蘭一房。仲明亦求四幅。趙心甫俞用中張仲方趙茂元來。回謁洪天錫。路遇孟君澤。訪陳君義。過五條街遇陳景南同訪陳響林出示小米手軸臨伯時馬雪林行虎三卷塔海公物也看畢同景南行至市間分路。

隄

嶽

初七日晴。侍親訪滿梅隱道录說焦佑之謀道司令史。次訪徐耐翁。會葉子華。次拉子華來舍下小勺。侍親訪因勝寺昂觀^鶴峯會真空叟。鶴峯留酒麪。僧司朱提控續至。訪邢竹埜有客不復進。

初八日晴。訪李提舉。值出乃子行簡留茶。會夾谷同知舍人。回謁趙心甫山長。會張仲方孟進之堯揚二小舉教諭。訪袁揔領不遇。訪郭元吉。會石剛中。回謁余用中不遇。葉子華來說周七郎錢事。常子正來。陳茂叔來。值出。陳

靜齋來

○九月九日晴 祀先 葉子華來小勺 邀徐將仕李四乙郎

午集 焦彥明來不曾相接 章君文來 邢毅夫來

○初十日晴 同三哥出見章子實不遇子實近歸自杭欲扣一

二事云 次登甘露寺見本無傳長老留酒午麪仍求書放

翁水調歌孫楚望摸魚子二詞於多景樓下壁上又以紙求

書遺教經四十二章經瀉山警策證道歌 林生裱襪鋪具

茶 訪湯景先 章子實來小勺 張泰齋來值出

○九月十一日晴 早上城隍廟問籤劉吉甫待湯 為甘露寺

長老寫水陸堂并護法龍王牌

○十二日晴 為甘露本無傳長老抄經 客有惠杭州潘又新

筆者書小楷數千而不代可愛可愛

○十三日晴 邢毅夫來 湖州文端甫來同王趙二兄過訪偶

出不及迎肅龔子中折簡相招晚勺 會宜興岳仲遠山長

沈國良岳德敬趙心甫李奏差蒙古郭元靜岳舍人楊以吾

蓋諸人送子中閣中岳氏自鄉中來酒未盡以夜禁而歸

戊申九月十四日晴 早見文端甫不遇 問候青陽君輔

普照寺前遇李和之 葉子華來 城隍祠卜籤吉 焦佑

之來 王師善岳仲遠岳德敬楊以吾來 盛季高來值出

訪盛季高出示李重光墨竹鴝鵒希遠墨梅古木房仲明

同茶 次訪章子實

九月十五日晴 后伯玉房晦叔朱敬之來

十六日晴 送所寫遺教經還甘露老長 晚趁呂城夜航作錢

唐之行

房作明仲

十月初五日條下

有方仲明

房仲明見九

月初六日條下

長字元抄亦脫

以意增入

當是初年

傳長老

層抄畧作飲

十七日 午前抵呂城壩下倒換小舟至奔牛復換小舟晡時

至常州入城元豐橋見白湛淵提舉值出江陰未回乃子元

谷次子元華留歇 同白元谷到太平寺觀壁上畫水中作

一筆繞之不斷立視久之若洶湧生動之意奇筆也寺僧具

茶已乃出門外建新塔方成 晚二白兄具酒晚飯宿于

元華書院

十八日晴 早尋蔡德甫來說話元谷待早飯蔡兄同 元谷

借馬同出訪馬習齋教授于郡學會龜山王山長劉練江

馬教仍約午集。同无咎回蔡德甫禮。留小酌。煮蟹蒸芋。次訪李仲謙出門。解后包古江山長。赴馬習齋之約。坐客羅漢臣余及白无咎。食五品酒散作別。次别无咎昆仲登在航之姑蘓。有北客喧呼。至二更乃睡。

十九日。午後抵平江。見龔子敬山長父子留宿。具晚飯。已留燈夜話。是夜多蚊。

二十日晴。早子敬以八月廿八日禮上學道書院山長。作武臨清提舉書。張德輝外郎書。趁余入杭。本作航之便。飯罷登

航解后。杭人潘伯起呼酒酌之。盖在大都時曾相識故也。共上船行。

廿一日。晡時上長安買飯。

廿二日四更。到杭州城外。霜月滿天。寒氣逼人。候北關門接待。寺鐘動。換舟入城。拂明潘伯起送于歇于施水坊橋梳頭沈待詔之樓。遇金壇尹子源同寓。橋東訪趙伯可儲叔儀。

打猪巷見李伯玉。留茶話。乃事次到江浙省中照磨所。見李叔義。省西見張菊存。下龔子敬書會。張松澗府判。劉五

房後見武臨清提舉會王一初周有道二都即李教授及武公令似、教授歸寓所會吳茂之房主人具酒小飲余亦續酒同茂之到長生老人橋見唐冲文新補廉吏不遇而還過紀家橋解庫門首見吳若遺提舉

至大元年戊申九月廿三日客杭晴早過井亭橋解后張雲心州判次遇湯北村同知張景芳學正到立同觀見吳若遺若遺有他事令師孫羅康伯相接具早飯鄭表白同集栢廳鄭君之子也飯已入壺中林壑次開斗殿看李息齋所

屬抄供
供字案
屬抄殿前誤

画松二株於壁間是日郝左丞趙子昂方會而去欲見子昂不果見李伯玉改所幹之文約來日子省中見其子出北關門湖州市妙行寺中尋伏維那已于昨日登天目山矣徒有悵快寺僧宗兄借紙留數字而退觀正殿佛三尊偉甚中設毗盧遮那佛像前殿止有藏一座次入法堂有碑石數本云喻弥陀神筆所画佛像傍刻本末不暇記也次禮古觀音像相傳唐朝塑者兩邊畫壁以屋暗不可細覽門有放生池俗云接待寺者即此院也回路足行倦甚坐小舟而還

唐仲文李叔義來值出 趙伯可來 寓樓頗潔便于坐
臥臥大抵杭城樓居相連自有一種風韻耳 婺州孔君立
來來問聞孔提舉新除晚見唐仲文外郎出示米老研山圖
路遇王成之都目相與立談久之又遇王壽之

九月廿四日晴 客杭 早到省中照磨所見李叔義改抹元

文 到儒學提司携李兄書見王一初都目投呈子會王壽
之王子芳任伯和是日分付該吏金君君玉至承行 次約金
君玉毛令史市樓小集 雨作湖上兜率寺趙子昂學士不

遇乃姪趙仲美具茶訖致意

是日遇牟學甫宗壽鄉徐君美袁義甫楊廷秀丹徒宣差狄

仁卿田君美蔡宣使許芳所應旂

九月廿五日陰客杭 早到省中見李叔義 次入禮房見張

德輝外郎話乃事 劉提舉司催金君玉書卷王一初未允

再到省中見李叔義托見王公范成之主簿來 晚張德

輝請說話會止中山教授德輝檢尋解由未見託為挨問

見范成之 君子源約小集 是夜客樓暄甚必雨作也

廿六日陰。客杭。湯北村同其子君白來。張德輝來。到省中。

宋抄晨字似日不二字

鄉則三字宋抄空二格或元蹟缺蝕屬補之耳

辛巳好晨聚會禮房見張德輝。德輝作書與王都目。見張菊存。會衢州鄭子實山長。劉儒司不聚。結縛橋西前洋街。回謁湯北村。同出訪張晴川。次見崔進之。回北印具酒午。麪浼書教紙屏。禱高彥敬古松一株可愛。牕外矮橘數樹。結子無數。壓枝欲折。若吾口口此也。飲散乃子君白由大街轉歸。張菊存來。晚見張德輝。吳茂之來。值出。今日見北

宋抄本愈作會

村說葛元白曹梅南戴祖禹金子仁胡穆仲皆為古人。可惜再到杭城會覺舊遊之落也。客樓暄甚。衣襟流汗。借扇揮之。

戊申九月廿七日陰。寓杭。早到省中見叔義。次到儒司

見周都目。以官吏未允所請。歸家寫狀。再到省中見張德輝。德輝以約晚來說話。是日於省中檢尋學錄解由。方見晚晴登吳山下。視杭城烟瓦鱗。莫辨處所。左顧西湖。右俯浙江。望故宮。蒼莽獨見白塔屹立。耳次謁伍子胥廟。轉至拱北

樓即朝天門行大街官巷而歸。茅山書院山長赤蓋象賢。金壇教諭王竹所來。茶罷同見趙伯可。見張德輝改告者。狀子會丘中山。趙伯可儲叔儀來。吳茂之遣僕約來日。早飯。尹子源相過。夜話。路遇程鵬舉。

宋抄胡厲抄兵

廿八日晴。客杭。鄉人胡君用來。赴吳茂之早飯。坐客余及運司宋外郎廣平人也。訪王成之。託見武公。訪湯北村。訪吾子行。出所作無稽集。皆戲談也。玄同觀見趙子昂。時都左丞坐正席。子昂問都下事。游開元宮。舊楊駙馬

宋抄舉厲抄學

宮也。溪邃可愛。正殿曰景命萬年之殿。見鄭鵬南簽事。茵席坐客。來僧錄事柯以善。君存菴。劉耕莘。又一家及余共七人。晚見張德輝看省卷。又作舉錄教諭擬倒矣。託其宛轉。未知可行否。浼人幹事。不料其相誤也。湯君白來。值出。回謁赤蓋象賢。不遇。

廿九日客杭晴。早到省中。見張德輝李叔義。訪王成之。不遇。訪柯以善。再到省中。禮房為立擬劄事。到儒司。官不出。獨吏輩兀坐司房而已。訪張景方學正。訪張竹

宋抄院屬抄樓

杭有明慶寺
見坡集不知
者往改作昭
慶

身天集言

宋抄院屬抄昭

村書院觀諸公詩牌 湯君白來同游明慶寺看新塑佛像

次入廣化院 次游仙林寺中無可觀者相近一術士

之女談星說命若懸水然 次與君白午飯君白具茶已

自觀橋行至官巷而歸 吳若遺送魚麩果盤來 晚持魚

果見德輝 朱良齋山長來 是日趙伯可歸湖溪就付景

明書

三十日陰客杭 早到省中禮房見張德輝李叔義是日改正

擬劄 次訪朱敬齋湯北村遣乃子同李兄來求字 到儒

司見二都目催申狀會王成之同君白出游宗陽宮時裝塑

未就 次游新宮佑聖觀看擁壁二十四堵皆新畫也 路

遇胡石主簿 煎魚沽酒會尹子源沈六郎 晚見德輝約

來日省中計會選本 晚雨暄甚 夜雨生寒 大德十一年
二月十七日

禮房呈前鎮江路儒學錄郭昇給由稟奉
省堂鈞旨連送選房於學正山長內任用者

至大元年戊申十月初一日雨 客杭城施水坊橋東岸沈氏

樓 早冒雨到省中次見張德輝 雨中悶坐朱敬齋山長

邀至其家具小酌午麩已雨止 路遇莫知事蔣文甫

屬抄失列字

平天易日已

十一

宋抄得屬抄德
初六日初七日條下
俱依君德知此
初十日條下又作君
得

初二日雨終日。客杭。到省中付文書與選房。以未照元除。又欲刁燈。張德輝宛轉言之。見李叔義。到儒司。大雨終止。有武老兀坐廳上。諸吏無來者。湯君白李君得來。莫範圍。教次同到官巷問茶。已訪周君遠道士。次到君得家。出子固墨戲開看。已分路各歸。晚尹子源招飲。沈六郎同集。子源為財賦府吏求書。

初三日又雨。客杭。到省中見李叔義。伺候也。先伯提控不出。到儒司。都目不出。同尹子源見儲叔儀。留小酌。

次同叔儀到子源寓樓開尊薦亥首。同子源到大街問茶。

次見沈誠之看翠雲子。次見唐仲文不遇。湯君白來。

是日儒司緩慢吾事。畧發教語使之聞之。晚遇金君玉。

云王都目書卷矣。德清吳菊泉相遇夜話。子源同茶。吳公

至元廿七年赴北寫經。經者。省東藥鋪遇張君遠。

初四日乍晴。到儒司坐整日。方得解子。解后陳無逸昆仲。

年學甫吳茂之來值出。訪范成之。李君德湯君白携

命書來。燒玄壇紙。宗壽卿來言。來日有人歸鎮江付家。

屬抄過宋抄過
屬抄有問字

書晚見張德輝付申狀

初五日陰飯後到省中禮房同張德輝見馬外郎楊典付申

狀王午同小二覓舟到北新橋覓方仲明不見空費船錢壹

貫貳百五十大雨作只得急回晚見德輝于省前到龍

舌頭西去港沙坑見馬從簡敬外郎言乃事未允所請回

見德輝云來日當為若語却不必出也付後司使用吳菊

泉見過夜話省中遇賈州判

初六日雨不可出寓杭吳菊泉携紙二幅求書別歸德

清付陳有之教諭記事見湯北村次見張晴川見趙

子昂不遇見趙仲時見陳無逸不遇乃弟陳正相接湯君

白來同出見李君德留茶訪羅康伯不遇晚見張德輝

儲叔儀隔河樓上見呼出紙索書具酒晚飯

初七日雨客杭到省中見張李二兄李君德湯君白來

携紙索書就送紙一幅訪吾子行求篆字閑話久之惠印色

方路遇胡石塘儲叔儀相招五盈客焦君用尹子源余及

陳外郎主人飯罷焦公買紙求書晚見張德輝令來日見

宋抄小二屬抄小
五字也
屬抄脫作字

屬抄流宋抄港
屬三敬字

屬抄著宋抄若
語也屬脫却字

五盈字旁注

馬公 路遇范君用

至大元年十月初八日雨 客杭 早拂曉伺候馬外郎未從

所往其意已諾之矣 見張德輝于省中 游淨慈寺 禮

佛者羅漢五百尊 訪朱敬齋 張德輝來同出見唐仲文

不遇 次見廉司書吏趙潤鄉汴梁人也 會湖州路史章共

之回路德輝待羊飯 訪莫知事路遇聶通父 兵房 丘中

山教授來

初九日喜晴 客杭 早見鄭鵬南廉訪 次會柯以善以善

留三酌劉悅心張景芳寫篆字 邱秀才續至 邱杭人 吾子行

高弟也 到省中是日眾官為別不花卒章送路不聚 訪

吾子行不遇 訪湯北村六出訪張晴川于崔進之家 訪

張德輝 諸叔儀以今日登舟還義興相呼午飯出紙求字

會焦君用 路遇井同知蓋為 后降香作使來杭 盛

親家章端甫自鄉中來寄至家書於同市樓小酌大街問茶

燈下自官巷歸分路 尹子源請薦海蜃話至二鼓

初十日陰 早見鄭鵬南廉訪 見柯以善 到省中 盛親

家借見借鈔一笏。以今日歸不及作別。張仲美湯北村來
值出。李君得湯君白來求書。鄉人趙翔甫求字本。晚
再到省中。伺候吏輩。到新宮橋見井同知。浼於郭都事處
著語。晚方仲明尊舅來留宿。

十一日又雨濕熱。早湯北村招早食。坐客方仲明宗與之父
子。同方舅到省中見張德輝。會新市陳副使。省前具茶。
是日李叔毅著語馬外郎更房。次同方舅見高國良司丞。
次同到下馬婆巷見李君實。新授宜興都目。茶罷方舅拉往

新門具麪。路遇宣州胡則大梅主簿。汝說趙祥甫來晚見
馬公猶未慨然。次見德輝急步而回。汗流濕衣。事未成殊焦
煩也。

十二日客杭。早到省中換劄子候押。朝天門訪張雲心州
判。留坐具午酌。薦糟蟬鷄麪。坐間雨作。取傘乃回。再到省
中。路遇劉希聲。胡則大來。值出不及相會。晚雨大作。
張德輝送紙來。寫刷卷宗。目至二更乃辦。

十三日雨客杭。到省中。趙翔甫送果子。求字本。尹子源具

午酌

十四日又雨。客杭。到省中。遣王二到湖州幹事。作趙文卿
 陳有之書。訪湯北村。吾子行張景芳。丑子源待午飯。同
 出問茶。會溫長卿。金沙人也。路遇王敬臣。常州路司吏。
 見唐仲文不遇。張景芳送紙求書。吳興虛徹道人詩偈。
 道人費氏。景芳之曾祖母云。

至大元年戊申十月十五日。客杭城施水坊橋沈六郎樓。雨
 作不可出。陳無逸教授來。朱敬齋山長來。張德輝外

郎來。尹子源呼酒過茶。寓樓酌之。德輝去後。子源具午飯。
 蓋遣王二之湖州客中之僕故耳。李君德來。趙祥甫來。

先妣憫忌日

十月十六日又雨。寓杭。張雲心遣僕寄書來。雨中約相遇。

彼此客况蕭索耳。吳若遺招午飯。到省中伺候吏輩。

方仲明來。雨中拉出見高國梁。說假借事。赴若遺之約。坐

客朱澄齋提領。史元輔道判。是日若遺他出。令水邱養直

相伴。訪王眉叟提點。不遇。晚見德輝。次見馬生。未允。

屬抄客

此條屬抄作十三日
 遣王二之在末行
 誤也
 屬抄脫十三日

所請 回再造德輝家 方仲明舅來留宿具晚酌待之子
源同

十七日晴 客杭 早同方舅早飯 見張德輝浣寫吏牘

方舅拉出見高國梁會李君實 路遇王君澤邀茶君澤來

日之鄉間托寄聲 王二自湖州回 路遇曾景顛紀祥甫

周謙甫 李伯玉來 李君實來 鄰樓尹子源得財賦府

文書了辦可喜予滯留日久所幹未就愈覺憂悶耳 遣王

二到省中問話 李君德湯君白來張德輝續至 晚尹子

源燒紙招飯夜坐客余及沈咸之沈國寶沈六郎父子 夜與

張公抄文字

層抄有夜字咸之
作及之似因上及字
誤耳

十八日晴 客杭 早到開元宮見王眉叟提點不遇徒弟徐

雲谷相接會吳江張景亮州判謝退樂府判景亮師道學士

之長子也時問方蒜山禮任事到省中本問乃事楊生云今

晚可見馬公 聶通甫拉入兵房出帝求書四幅會湖州韋

共之 次見叔義德輝 到小堰門回謁張仲美知事不遇

遇王師善之姪 是日遊大般若寺 在鳳凰山之左即舊

宋有朝字大誤
。屬抄金銅鐘既
曰金又曰銅何也
予意金朝當是
前朝或宋朝耳
此屬抄中又明言
金銅鐘也似此誤

但三山又不應
朝字也安得真跡
一證之以釋此疑也
宋抄云口字

屬抄五作子

宋抄云而字

宮地也。地勢高下不可辨其處所。次觀楊總統所建西番
佛塔。突兀二十丈餘。下以碑石甃之。有先朝進士題名。并故
宮諸樣花石。亦有鏤刻龍鳳者。皆亂砌在地。山峻風寒。不欲
細看而下。次遊萬壽尊勝塔寺。亦楊其姓者所建。正殿佛
皆西番形像。赤體侍立。雖用金裝。無自然意。門立四青石柱。
鐫鑿盤龍。其精緻上字云善。上猶有金朝銅鐘一口。上鑄淳熙改元。曾
觀篆字銘在。皆故物也。行至左廊。記得壁上詩云。玉輦成
塵事已空。惟餘草木對春風。憑高口口口口口口。目斷蒼梧夕

照中寺門俗云望江亭。俯視錢唐江。大畧與子江同。但隔岸
越山蒼翠。差勝耳。遠見西興渡。烟樹如薺。次游新建報國
寺。行至殿後。有塊石。僅留二十餘字。僧為別立一木牌。云五
十年前。理宗夢二老僧。曰後二十年。乞一住。足地恍然。夢覺
今築地得此石。却無年代可考。昔梵刹為王宮。今茲復為梵
刹。如波入海。以予觀之。亦好事者為之也。且朝代之廢興。皆
天也。二僧入君王夢中。孰記而傳之耶。淳屠之說。妄矣。傍有
二客相與一笑而回。訪賈景顛。不遇。張景芳。奉取詩卷

去曾景顥續至。晚見馬生。次見張德輝。遣小王下長安盛親家處借錢。路遇宗春卿石剛中。

至大戊申十月十九日晴。客杭城。早到省中見楊典。三

橋早飯。已見吾子行寫篆字相送。仍取玉簫為予吹數闋。

子行隱居不仕。時能道滑稽語。亦近來罕有。同李君德訪崔

進之。索小楷碑文。回路君德邀市飯。再到省中乃事。見

次第。晚見宗春卿郎中。索根脚抹子。

二十日晴雲。客杭。早見宗春卿與根脚抹子。到省中見

宋抄中

廣抄觀宇抄視

馬公。登吳山城隍廟壁畫二鬼。頗得回立門首。左顧西湖。

右視大江。杭郡人家皆在足下。次游玄妙觀。門立徽宗御

書碑石。殿前立高宗御書道德經。石刻經幢。二亭覆之。後有

真武觀記。開平二年物也。有老道士云。吳越時已有之。昔為

紫極宮。惜前朝碑石有天慶觀字。皆鑿去不存。殊失古意。且

朝代更改。勅額曰玄妙。當存其已往。而新其方來可也。道士

俗物。大敗人意。回到省中。石路高下。足力少倦。湯秋岩通

判來。約尹子源同到旗亭。沽酒酌之。湯君白引張伯愚來。

携扇十柄求書。李君得後至。張菊存素。是日本文。書有好音。為張士瞻者阻之。令人敗興。乙巳日

廿一日晴。客杭。尹子源辭歸金壇。到省中未見書卷。次

弟而歸。湯秋巖來。邀飲紅酒。次送秋巖至蘭陵坊分路。

張景芳送照元除劄子。來路遇陳如心教授。開元宮見王

眉叟。會張景亮及二羽客。訪宗春卿郎中。會臧魯山。庶訪

秦彦之外郎。名植省中選房之本把也。方仲明寄紙求書。画

情緒不佳。更遲二日下筆。燒玄壇香告庭詞乃事。省中遇李

君實王儀之。

廿二日晴。客杭。到省中。馬生以張郎中未允所請。故為托

辭。會夾谷郎中送熙元除劄子。下架閣庫雷毅夫收。見李

叔義。胡則大。來。湯君白。來。同到府學。見李霽峯教授。

次見張晴川。次見湯北村。會韓竹間。路遇毛海雲山長。

孫周卿。來。同僉公之姪也。路遇王仲可。晚香。

廿三日晴霧。客杭。省中假日。早冒霧到馬婆巷。見李君

實。託馬惟良見張士瞻說話。次到省中見楊典。接見泐暉

接

照會 到寶祐坊佑聖觀橋西回謁胡則大不遇 張景芳
來 鄉人盛壽一官人相遇為高子西在此子西病瘡同見
湯北村 藥不遇回路盛兄邀小酌 湯北村胡則大張景
芳來 晚盛壽一哥約飲于欽善坊

戊申十月二十四日陰 客杭 早到省中 次到儒司見金

君玉問白无咎禮任月日湯北村費謙夫來費公鄉人也年

六十三 再到省中架閣庫見雷毅夫為熙元除事 是日

解后郭千白美谷舍人王仲可相拉到朝天門酒家午飲坐

屬抄亦作謙字
故誤作道字更正

宋抄善屬抄号

客大名人三都目皆軍中掌案牘者獨程其姓者通文 湯

君白來燈下同到官巷問茶 再到省中囑楊典

廿五日晴 客杭 早到省中解后孔良甫楊廷秀胡宗伊李

景仁 再到省中架閣庫訪宗春卿不遇 訪湯君白借典

章 幹事未就而回遇蘓淳齋杭之善醫者也約市肆小飲

回謁王仲可不遇 路遇田管勾今為泉府院令史在都

下時曾同寓云

廿六日 客杭 早重霧中見唐仲文不遇為長興欠俸囑呈

屬抄解

文催討 次見宋春卿會江陰李外郎春卿出紙四幅求書

盛親家公自長安來同西盛壽一哥及二鄉人相訪 到

省見馬生催促之到架閣庫吳令史使用紙錢 見李叔義

訪王眉叟盛親家約到芳潤橋午麪 壽一哥同集 晚

又到省中囑馬楊二生 李君實來所字去報馬維良已見

張士瞻說訖商量甘結 晚見德輝不遇 夜香

廿七日 客杭 到省中伺候書卷已完馬生改抹但咨省而

已令人恨口再囑馬生不允 見張德輝 盛親家來別付

屬抄後作願

家書報事體如是晚見馬生云非不用力首領官不從奈何
欲退元物不曾收 再見德輝見湯君白同見李君德借錢
歸家悶甚奔走兩月今日壞盡

廿八日 早見唐仲文囑俸事 次見宋春卿會李士可同二

公游開元宮次到寓所共茶二公更欲相携余以事不如意

舍之而別 李君德來 問卜再到省中見楊生令稍遲一

二日 見張德輝論乃事 訪賈景顛不遇訪郭梅管不遇

會李齊賢 又見德輝值出 晚燈下生久謀之無計更遲

二日且往長興索俸作歸計耳

廿九日霧中早見唐仲文不遇 到張德輝家 到西倉橋見

方仲明 到省中別李叔義 張晴川來值出 晚作家書

發王二來日歸

三十日晴冷 王二歸鎮江 出別張晴川崔進之柯以善吾

子行 湯君白知余事不如意呼舟過湖閑行散悶游南山

惠因華嚴寺次游開化院次遊石屋洞俯視洞口深暗不可

測覺陰風逼人壁上記姓名而回

厲抄風作氣

入勝果尼寺與石屋相對君白令親惟德母子為尼延坐設

茗譯口次游水樂洞扣寺門久之乃得入遠寺皆奇石門有亭

扁曰聲在寺後口泉滴洞中相應鏗然有聲故名亭有石刻

東陽水樂亭詩觀畢而下踏石上黃葉攀徑遠古松山林間

自有一種清氣借筆題云至大元年十月廿日京口郭天錫

同湯君白來此聽泉寺僧具茶飲之清甘即此水也更過一

二僧寺以心緒不佳不及詳記泛湖而還西北風起同君白

錢唐門小酌分路 見張德輝 路遇黃明叔

宋抄口厲抄羅
屋抄云門字

宋抄云坡翁二
字

至大元年戊申十一月初一日 辭吳若遺不遇會王介叔朱

提領 李君德湯君白來同出到君白家具茶路遇鄉人孟

子長晚別張德輝德輝具酒會止中山杜

初二日晴 客杭 到省中領文書取回甘結 同孟子長見

胡則力值已回宣城路遇鄭君祥宣使同茶 同子長見吾子

行就別 次別湯北村晚見馬生丁絕乃事 晚邀子長小

酌屬照元除事 別李叔義

初三日早別張德輝 同沈六郎買人事 午覓小舟至欄頭

此處乃作方

下至西會橋見方仲明留小酌晚飯就宿於其寓

初四日晴 離杭州 早方仲明待早飯罷遣丁提控福童

般行李上航船遇杭人魏提領褚太醫同載 唐涇晚飯

夜行

初五日平明曉空至湖州覓小舟由城外載行李寄于清塘門

人口口入茗城見陳有之 次到儀鳳橋解入息 到湖州

路摠管府口國祥不遇會康安道李仲立倪子章趙子益

有之具酒小飲至日西有之送予出清塘門上船遇長興

盧下一字未
辨

州吏盧甫有之再於市店具酒乃別登舟夜行舟中人稀
宛勝夜來之湫隘也

十一月初六日晴 平明抵長興 見趙文卿父子 會李質
夫留早飯：已同文卿見陳素心教授 次見孟雲心 次
見沈孤峯不遇乃子希古相接 次見陳繼之見周剛父不
遇訪廣福寺琦伯玉講主留小酌壁上作竹石 錢梅巖請
席坐客陳素心予及文卿質夫酒散歌於趙文卿家輔之具
晚酌 夜間輔之釀酒牀頭糟沫滴：有聲

初七日晴 寓長興早飯文卿相待郎晉卿亦至同食仍贈米
一升同文卿出見安亨甫不遇 次見袁正甫陸草牕 次
見沈孤峯殺雞具酒仍約陳繼之共飲 路遇強古愚袁壽
卿 過口和父門留茶 早琦伯玉講主淵古潭和尚來
陳素心潘吉父盧希顏費德輝來值出見欽察同知新授臨
安縣達魯化赤 晚文卿父子待酒：盡拂床而睡窓外風
竹蕭颯可聽枕上憶舊游又復二年矣令人感慨
初八日晴 寓長興趙文卿宅 文卿待早飯 出謁 李王

廟訪錢英甫訪劉巨川值出郊未歸訪劉竹西訪
潘吉甫留素食五品蔬果甚慤欽察宣差來拉余過廣福
寺會陳素心欽察同予至其家仍約琦伯玉講主看畫出唐
本渡水僧秦大師物也觀音二軸小幅崔白蘆鴈武后真餘
皆下品漢銅挈壺一煮鴈開尊朱雲岫續至共飲至月上同
伯玉歸已鐘動矣文卿夜話

至大戊申十一月初九日晴客長興文卿待早飯罷同出
見沈孤峰囑知州處說俸事時陳有之自湖州來共茶謝

欽察宣差會傅子壽說全真道教呂知州朱僧正續至二
公去後欽察公留酒午飯罷同遊廣福寺陸州憲劉巨川
亦至琦伯玉一茶而別欽察上馬後數客送予歸陳繼之
相約不及赴沈孤峰陸草牕蹇成子來值出晚文卿待
酒具飯送詩與孤峰伯玉

初十日晴風客長興陳繼之邀早飯同文卿往赴坐客沈
孤峰陳竹溪予及趙文卿陳有之不期而會者陳素心居首
坐飯罷已亭午矣有之相拉見孟雲心次見陳教會蹇成

子。次陪有之希顏出東門散步。游冲真觀。歷。皆舊遊處。回路有之。買肥驢肉沽酒共飲。散自麒麟坊轉大雄寺前。歸踏黃葉。聲見一二小童拾墜樵於古松下。不勝故山之思。晚已醉飽。文卿自煑白粥。余撚炒豆。相與共話。就以賈景顥所惠範圍教為文卿贈。

十一日晴。寓長興。呂知州送紙求書畫。劉九舍人來陳

有之。盧希顏後至。茶罷陪有之五峯炷香。文卿待早飯。

午赴劉九舍之約。坐客余及陸草臆食五品。欽察宣差約食。

水花傳子壽同。坐間錢茂卿外郎來尋李令史云云。押過催俸闕子矣。嚴君壽來值出。

十二日晴。客長興。早寒。文卿待酒早飯。見安亨甫同

出見劉元履。託語知州為俸事。次同亨甫到寓所。欽察

公遣人相請。閑話於大雄寺前人家。時亨甫亦在坐。話已。亨

甫拉至其家具。午酌。醫學沈教諭來。陳素心相約不及

赴。蓋為劉九舍陪話故也。回沈教諭禮不遇。路遇錢君

愷。吳提領。次見周道副。希顏同行。

觀前初九日條
後廿一日條牛蓋
朱字之誤

十三日晴 客長興 文卿待早飯 盧希顏來同出東門閑步 次入口真觀画壁一堵周道正具小酌。希顏相拉見孤峰同孤峯見呂知州不遇乃子呂舍相接茶罷孤峯拉至其家小酌回路欽察宣差留茶至月上得歸 牛半山僧正來值出 陸關長皇甫懋官來亦值出 文卿待晚飯燈下和陳教詩 施若虛來

至大戊申十一月十四日晴 客長興 文卿待早飯已寄 蔣介卿書 同文卿見沈孤峰為俸事 欽察宣差來請至

廣福寺會琦伯玉傳子口 回謁嚴君壽不遇 次訪孟景

先三勺孟雲心亦至同出回謁施若虛道士若虛約登市樓小酌倒澆麪 回謁董子順會陳中美出門遇趙輔之同歸

十五日五更長興州學拜殿會呂知州詹提領蒙古李教授趙松岡沈孤峰吳堯卿皇甫雲村及諸學職公堂具飯 訪欽察公同出閑步回至其家出宣和御府黃居家雪雀圖用雙幅絹畫角上添金龍長可六七寸圍葫蘆御書并內府圖書二印雪樹數株凍雀上下下復作二鶴鶴真奇物也欽察公

凡三次招往看画。獨以此為冠耳。又看破衣吕公像。陳尚書家物也。及小幅宣和飛禽。不敢斷為真物。具午飯。罷過劉祥甫。藥肆切羊沽酒。仍約趙文卿共飲。會司吏潘國寶。晚陸州憲來。文卿具三酌。朱雲岫來。值出。訪包亨甫。不遇。舊曾為鄰居者。吕知州送紙索書。

十六日晴。客長興。欽察宣差令画史梓絹來求画山水。安亨甫同鄭子固來。相約到亨甫家。具小集。午麵。早文卿待飯。酒三。見劉巨川取藤黃。亨甫同往。次陪亨甫訪武。

雷岩道士。嚴君口來。值出。李質夫請齋。不及赴。文卿待晚飯。已飽。不敢領。晚歸。月上。聞鄰家打稻。童稚徹夜唱。吳歌不歇。亦豐年氣象。吾鄉則未聞也。

十一月十七日雨。客長興。文卿待飯。欽察宣差來索畫。文卿具酒待之。陳中美來。訴其親素心。不與賣發。

十八日雨。客長興。劉祥甫來請早飯。省委官劇郎中君相請於史氏。解院求書。殺鷄具酒。會令史周謙甫飲。散欽察公相。拉訪孟雪心看画。次到冲真宮。回路。欽察公沽酒買羊。

共飯抵暮以口送歸。吳長卿陳四官人來為索通事。安亨甫來。夜雨。

十九日雨止。苦寒。文卿具早飯。陳繼之來。相拉到其家。見王

知錄具小集。夜大風。借陸州牕坡詩六冊。客中讀誦。

廿日晴。客長興。飯後見沈孤峰為俸事。次見欽察公會

朱雲岫出門遇錢梅巖。相引欽察到盛瀆前人家看羅漢一

軸。次到客舍。觀予所作雙松雪澗。次請琦伯玉來看。欽

察公又呼画師沈兄來看。皆為予起敬。茶已乃別。復請沈孤

峯同見呂舍人。囑與乃尊知州說俸事。會傳子壽同孤峯歸

過州橋。解后陳素心。孤峰口口到其家小飲。歸已及暮。路

遇石子方。文卿有婢將產。未下。予用北游所得之方。抹之。立產得男。

至大戊申十一月廿一日霜寒。客長城。趙文卿直學家。飯

後回謁朱半山僧正。不遇。次見嚴君壽。次同孟雲心見

王州判。不遇。文卿待午飯。次訪陳素心索俸。會張月心

晚同素心陸州窓。趙文卿見呂知州于州後。煖閣說俸事。

次訪陳伯祥留茶。許阿四米到學。

廿二日霜寒。陸草牕來。王二自鎮江來。文卿具飲。後携
王二出見孟雲心。陳素心。沈孤峰。陳繼之下。大人書。欽察
公相携。拉雲心。抱琴造廣福方丈。沽酒具。陪適。費德輝。劉巨
川。皇甫一哥。具酒於口口家。相招。辭之。而往。領三君子之約。
趙輔之。錢國寶同集。散欽察口。又遣人相拉。至日暮。行至
廣福寺前石橋松陰之間。送欽察雲心抱琴而還。錢梅岩
送紙求書。

廿三日 客長城 趙文卿具早飯。罷買香燭。弔費月巖先

輩。陳素心。李質夫。袁正甫。來。文卿具酒。陳繼之。來。取字
去。郎晉卿。來。月梅。六。至。文卿具三酌。輔之。待晚飯。路
遇毛可齋。

廿四日已卯晴。客長興。文卿具早飯。趙。求字。蹇成
子。喪其妾。來乞米。陳元善。來。約文卿。及予。到其家。觀蘓漢
臣。孩兒。四軸。具酒三酌。沈孤峰。請午飯。陳繼之。來。約同
赴孤峰之約。坐客。陳素心。王知錄。余。及趙文卿。陳繼之。趙達
道。沈希古。

廿五日霧晴薄暄 五更文卿約打魚予以庚辰日不及往

輔之待早飯 蹇成子來 訪欽察同知同出見李君章於

稅務之務官具酒時石子方者欠欽察錢怒欲及之予為解

紛 次同欽察公到沈画家會湖州錢春堂琦伯玉講主後

至同歸分路後伯玉拉入廣福方丈具午飯出川紙求書心

經 李二朝奉求經堂大字 錢梅堂求三樂堂扁 陸州

憲袁正甫陸關長三君載酒肴見過同文卿共酌：已文卿

以新打之魚續盃陸袁二丈守朱墨為業物微而意實厚也

惟有感激錢國寶求書

廿六日晴暖 寓長興 趙文卿待早飯 出謝袁正甫陸州

憲沈孤峯陳繼之 送筆與劉巨川不遇 劉子敬教諭相

訪不遇行至州橋偶然解后拉具午酌仍約到西溪 到李

質夫家為俸事留小酌蹇成子趙文卿續至就以式鈔贖蹇

秀才

至大戊申十一月廿七日晴暖 早張潤甫自杭來見報照元

除已辦潤甫景芳學正之子在行者選房寫文書與費德輝

親觀文卿捕魚長興人水車用手挽不用脚踏西溪劉子敬遣舟相請以錢英甫相招不及往孟雲心來亦具酒相約展至來日陳素心相招坐客稅務提領呂大使金副使予及趙文卿晚陪陳趙二公赴英甫之招草杯盤而已至二鼓乃歸周直學來伯堅

廿八日風雨客長興謝文玉携舊藏徽帝數幅求字陸州憲陳元善來文卿具早飯李質夫徐令史來以謝兄紙為雲心作古木一小幅為琦伯玉講主書多心經并烟江

疊嶂詩劉子敬以舟約往西溪顧風雨正作寒氣逼人不能前也作書謝之晚飯已灯下同文卿論八門數錢梅岩又以紙求書為寫天寶諸王愛名馬詩

廿九日雨止客長興文卿具早食十盃會客陳素心予及陸卓聰湯儀甫袁正甫陳繼之盧希顏李質夫李質夫皇甫茂官送紙求書新陽節至思歸故鄉不自由也

至大元年十一月三十日冬至節客長興早起燒香酌酒到州學與士友拜先聖先師公堂補賀陳素心拉至

其家具小酌朱半山僧正後至 同沈孤峯陳監鎮素正甫
盧希顏沈希古賀呂知州三酌諸公去後呂侯獨留予看許
道寧溪山漁樂圖上用宣和殿寶後有伯幾仲賓子昂三公
題李君章物也次觀漢銅爐一隻內有恭字會白雲宗僧正
次賀沈孤峯欽察同知俱出 劉九舍相招坐客陳素心
傅子壽余及陸州憲劉梅南陳守中劉祥甫劉伯通劉巨川
及諸劉兄陸關長皇甫茂官九舍二令似 楊卿雲 壬伯以
詩來見值出 文卿待晚酌燈下對坐和陳素心楊卿雲二

詩

閏十一月初一日 客長興 雨霰不可出 陸州憲來見教
大衍數十有八變而成卦法 沈希古來相約午集周剛甫
遣人相招余也諾沈公之約不及往 錢梅岩董子順來相
約到子順家小酌領一盃而出同草牕文卿赴沈孤峰席坐
客陳監鎮陸州憲趙文卿余及陳繼之沈希古七人酒盡霽
復大作 費德輝送紙求書

初二日陰 文卿亨先具餽鈍早酒趙二官同集 陳繼之請

席。董子順來。陸州憲相招已諾。繼之之約不及往。同
文卿赴繼之席。坐客沈孤峯、余及陳監鎮、趙文卿、錢亨甫、李
質父、周秀才、趙輔之。酒未半。雨雪大作。見燈而庖夫輔之先
歸。主人行酒興正濃。而鍾已動。相留過夜。眾客醉帽歌斜。狂
歌盡醉。鄉俗以冬至至元宵各家擊鼓。謂之催年鼓。和歌諸
老亦不自知。手舞足蹈也。至半夜醉眠乃已。孤峯方去。終夜
雨大作。宿繼之書院。文卿共榻。繼之所居地僻人稀。四邊林
木也。

至大元年戊申閏十一月初三日雨。陳繼之留早飯三品坐
客。陳竹溪、趙文卿、余及錢亨甫。飯已冒雨而歸。陸州憲折
簡相招。午集雨中。同文卿往赴其約。劉巨川亦在坐。州憲出
示司馬溫公劉無言真迹。次又出紙求書。陸天隨杞菊賦。是
集風雨中尊酒論文。至暮乃歸。儒家氣味洞見其真率也。
是夜風雨不止。簷外竹樹蕭颯有聲。

初四日又雨。客長城。趙文卿待早飯。劉巨川送紙索書。
連日諸公求書。吊掛借州憲坡詩一部。其中絕句寫盡無餘。

初五日極寒飛雪。文卿待早飯。已。同拉肩夫到學中見陳教為俸事可否。久之開倉支米貳拾石。陸斗欠肆石。般寄于徐勝家。趙文卿公堂具三酌。復拉文卿到下樓小集。輔之後至。

閏十一月初六日陰。寓長興。文卿待飯。已。出別安亨甫不遇。次別表正甫。陸州憲潘吉甫。劉元履。劉巨川。路間解后孟雲心。拉至其家。作別剝主人。次同雲心別欽察宣。差具酒午麪。別周剛甫。

初七日晴冷。周剛甫具早飯相招。六孟仍以生絹為贐。陳繼之以帑六幅求書。陸兄關長。來取字。去就以詩寄州憲。孟雲心以神仙手刻桶底蓬萊圖見惠。回謁繼之不遇。陸州憲携紙四幅求書龜蒙詩。

初八日霜寒水凍。文卿具早飯。見沈孤峯會白雲宗圓提點。陳繼之孤峰留小集。午飯。次同繼之到學中為餘欠米事。忽齋僕姚壽者抵觸陳教。又與陸慶致爭。本官正怒。勸解乃已。不及白其事也。晚繼之復約孤峰及余到其家飲酒。晚不

可歸同繼之踏月送孤峰過濠上歸是夜宿繼之家寒窗不寐

初九日早起燒松明火繼之具早飯已同出尋李質夫

寫批子一紙次同見陳教覓印押發付姚貴下尚吳卿催欠

自學中同陳教出至太平橋李學司與陳老喧爭余與繼之

解紛散歸潘吉甫送茶以紙十二幅求書畢君舉袖紙

八幅求書錢炳之求梅巖古溪大字古溪李二朝奉之雅號

也文卿具午酌陳繼之李質夫同集

至大元年戊申閏十一月初十日寓長興趙文卿直學家文

卿具早飯已到州前解后欽察同知同到姚子和藥舖共

茶已恐其留連誤耳遂別歸約趙文卿李質夫趙輔之小

集至暮乃已

十一日霜晴董子順招早飯食五味同趙文卿往赴陳教

者以呈文白呂知州拘收已還俸米知州云汝既親自開倉

與了却教我作惡人卻之弗受陳教來趙文卿及余問及

前事大與喧爭却無語答後同文卿以乃事白之孤峯元復

州憲三公皆不以為然。錢梅岩携魚酒見過。邀余及文公質夫子順共酌。小王上湖州雇舡。

十二日晴。文卿待飯。見欽察同到王二官人家。見李八塔赤相士。劉心目。呂舍人。傅子壽。欽察在彼蹴球。午後船到。遣徐貴再白陳老。下米於舡中。

十三日陰。客長興。文卿待早飯。已出見沈孤峯。約同別呂知州。陸庭翠來見。携紙四幅求書。董子順後至。文卿具酒共酌。同沈孤峯別呂知州父子不遇。次同到州治作別。

屬抄少作

知州舉乃事。予對眾分辯。呂無語可答。孤峯相拉到其家小飲。是日訪孟雲心。出示黃居寀畫。湖石蝶猫二軸。蔡月卿物也。黃氏父子作。石用筆橫拖。少作圈子。俗謂之野鵲翅。閏十一月十四日早。文卿具酒食五品為余酌別。仍約陸州憲共飲。沈孤峯續至。送贖禮。訪周伯固道正。具小酌。湖州吳道士後至。路遇嚴君壽就別。是日滿擬登舟。文卿父子相留。來日作別。

至大元年戊申閏十一月十五日五更。束裝賦歸。文卿賢夫

婦作別待早飯已。文卿送至溪邊上船。李庠夫遣小童送
贖。早離長興。午過呂山下松竹蒼翠。前一橋曰甫里橋。
人言是陸天隨隱處。詩家醞藉。猶可想像也。晡時至湖州。
舍舟由西門入城幹事。晚宿東門外。有一白雲宗僧來
趁舡至平望。云是儒家子。亦可與語。

十六日。早發東門。午過南潯。震澤。晚抵平望。已昏黑矣。
十七日。早發平望。西北風大起。過太湖塘岸巨浪濺水入
舟。掀舞可畏。午後至吳江州。見本州教授方蒜山尊時為

開讀他出。見方五舅母。令似仲思儼。相接就手三酌。辭之登
舟。晚宿平江閶門外。

十八日。早發平江。午後抵無錫。城河中米舡塞擁。舟子喧
爭。至昏黑。方得通行。就泊無錫州門外。

十九日。早發無錫。舟過毗陵。東北風大作。極冷不可言。
晚宿新開河口。三更舟篷漸小。聲乃知雪作也。五更月復
明。

二十日。苦寒。早發新開河。舟至奔牛堰。下水淺不可行。換舡

運米至呂城車堰方辨舡上篙櫓皆堅冰也舟人畏冷強之
使行泊柵口

戊申閏十一月廿一日早起衾裯如水澌堅冰四合舟不可
行至午喚舟子打水風復大作凡避風處冰不可開風處
為波浪捲冰丁東作聲岸下聚冰高三二尺行至丹陽催行
至石羊子鋪口住舟就泊蓬上為冰水所濺皆如懸掛琉璃
收

廿二日晴冰厚舟不可行滯留不發遣王二步路先歸

泊舟處皆村民米船悶坐竟日

廿三日晴舟中午前家間發馬來接晡時抵舍拜親以上
出路計九十七日

至大元年戊申閏十一月廿四日晴張和甫來金沙老儒
大人赴滿提點席歸同王石溪房春谷王表白到舍下晚酌
春谷近歸自燕京新授揚州道司知事

廿五日晴佃戶劉口二携豚蹄來見陳舍人來以細茶一
合與之出見滿提點錢學錄石民瞻盛季高龔子中房春谷

俱不值。見米起卿出。見李仲傑提舉會李和之太醫

梁宣使。回謁張和甫。侍親登甘露寺。長老本無傳相接

先于方丈小酌。次登多景樓。具麪僧司吳令史亦在坐。石

民瞻錢深之來俱值出。晚袖香帛盛親家母蔡氏。

廿六日晴。出見錢深之。次見王師善。會陳茂叔。錢深之。楊以

吾。見趙心甫。會堯葵軒父子。章子實來。李行簡後。至三

酌。石民瞻來。晚同四哥見普照本宗主。蔡宣使令似

來。

廿七日晴。陳茂叔來。陳靜齋來。朱良卿來。王思善來。

楊有之父子續至。留午集。仍約錢深之共飲。

廿八日晴。盛季高來。季山泉亦至。蕭景玉來。趙心甫續

至。孟子長張學生來。子長報省中選事。邢竹楚來。

廿九日晴。出回謁陳茂叔。孟君澤。會明光甫。見聶知州不

遇。同四哥到市間買物。章子實來。陳菊田續至。蒙古

謝景正來。孟君澤。陳景南來。值出。

至大戊申十二月初一日五更列排香案。具羊酒紙燭。謝衆神。

宋抄米

宋抄至非之字

十二月十四日條下
却作之思善似
當從之方是

宋抄未未莫
辨

蓋去歲往北時所許者。請盛季高午席。余友梅朱信庵

來。會客石民瞻趙心甫^王聖思善錢深之盛季高

至大元年戊申十二月初二日晴暖。燒紙。出還鼎宅器皿。

回謁余友梅朱信庵茶罷余繼善邀湯彈琴。回謁陳靜

齋。會徐彥翁。訪堯葵軒。訪潘菴主。本宗主來。回

謁邢竹埜陳景南俱不值。回謁房晦叔會房共辰。

初三日。盛季高來相謝留以酒。同四哥見錢深之於客樓

待酒張和甫在坐。次約孟君澤見新任趙提領不遇。登

城隍廟抽籤吉但遲耳。再扣北方之信却好。見陳茂叔

次同見東高千戶不遇。見陳和甫出門王宜之舍人相

留傾酒五青鍾。晚見童子實子實留小酌。

初四日晴。同四哥乘馬到墳所。次遊雲臺寺間然無人。

次到蘆灣。次到焦山莊。經都管三酌。自定波門外汝山下沿

江而回。是日暖如二月間。在家兀坐無憂^味。駕言出游以寫

我憂耳。張和甫來。

初五日陰。約童子實午集。陳東村張和甫來。童子實李

身
四乙郎來赴招

初六日晴暖。童子實來謝。蘓知觀來。袖馬裕齋書教紙來。有侍。親到墳所。

初七日晴。同三哥送書與施公恕。次見郭元吉。次回謁蘓知觀。次回謁蕭景玉。會胡舍人。次訪錢深之。陳行之舍人相邀。余兄弟三人小飲。薦臘鷄。

臘八日。祀先。陳夫人借米。房晦叔來。

初九日晴。房文一官人來。為乃妹不告而出事。陳行之來。

陸靜居同其姪文富來。

初十日晴。堯一哥來借轎。為人所先。不敢諾其請。

十一日。王時中自高郵來。同出到省中。不聚。次見劉倅亦

出。午間邀時中。飯。俞景仁來。連日暄如二月間。發書與曹舜咨回舟。

十二日。袖香到下河頭船中。弔願三朝奉。就慰其子子靜知事。龔子中。趙心甫來。房晦叔。陳菊田來。為一郎事。回謁俞景仁。房晦叔。朱良卿。會相舍人。房文一官人來。

十三日 早送願朝奉殯出西門 童子賢來 見陶提領乃
子問關文事 次見童子宴會於于公右之樓 戈天讓盛子
中同茶 到丹陽館前見湯秋厓府判 回謁龔子中會李
行簡 陳茂叔來酌之

至大元年十二月十四日 送關文與王思善會湖州趙仲山

朱正甫 李行簡來

十五日 早到路學殿謁 本宗主遣其後來請到龍華會寫
修造寶塔疏二軸留茶果午麪

十六日 早長興丁君耀賈吳長卿書來 同仲方弟覓小舟
下金壇湖溪風特甚天欲飛雪夜泊珥村

十七日 早發路遇庾祥甫鄭翔遠蓋為催官運粮偶然相遇耳
抵金壇縣令弟入縣分付喚鈕佃討租 午至湖溪歇行

李于趙宅書院見王敬仲敬仲令景明長子吉官相引到劉
仲明宅上方見趙景明解后張仲方山長劉公留酒飯與景
明同歸又飲我以酒忽報王直溪到此同入書院見之夜與
仲方山長對榻

十二月十八日 寓湖溪趙宅 早景明具飯到。羶坐客王直溪。張仲方。余及趙五官人。王敬仲。仲方弟。飯已。直溪上舡。午間。張仲方亦去。劉仲明來。景明于書院火閣內具酒。仲明出紙求書。傳盃直至燈上。景明諸子姪及王敬仲。趙伯高。又具蔬果。籠炊。來客房夜酌。

十九日陰 寓湖溪趙宅 早趙東湖山長自宜興。篠塢回拉。余入書院早飯。罷請景明到客房說話。未畢。劉仲明來。同東湖及舍弟游僧庵。登諸天閣。次道。敬親道菴。新開一徑。

遠長蕩湖邊。頗覺軒豁。遊回。仲明邀至其家。看所藏書畫。官窰碗器。古銅小餅。次入筵。坐客趙東湖。余及李和甫。鄒提領。趙景明。王敬仲。仲方弟。東湖酒半。取青。子豪飲。抵暮乃歸。再與景明卻酒夜話。王敬明亦在座間。趙伯可自宜興歸。未見。

十二月二十日雨作 寓湖溪趙宅 早與景明說話。午間東湖開宴。坐客劉仲明。余及趙五官人。王敬仲。東湖。景明。仲方弟。

廿一日 寓湖溪雨止天色未晴 東湖昆仲約入書院商量
 聘儀數子 劉仲明相請過其家出思陵御題乘鸞女小米
 山水趙子益水仙梅花手卷求詩具早飯：已趙景明亦至
 劉宅諸子姪求字本是日欲過長蕩湖以風雪不可仲明以
 食米為贖辭上縣中 劉君用相留過午開花園看梅求作
 竹石及愛梅大字羽士董生求寫疏頭復入東書院午酌蔣
 仲仁同集至暮乃歸趙會江方叔令似 是夜雪大作
 廿二日 寓趙宅雪作 東湖昆仲具早飯廿五日乃東湖壽

日意欲相留余以上路日久堅辭不許願風雪如許只得更
 遲一日也東湖索壽詞即席賦之 晚飯已東湖與蔣如愚
 圍棋余先出 景明具酒肴來房雪夜共酌仍約王敬仲同
 集二子亦在坐傍留連至三更乃已 是日景明剪絹一疋
 求書扇面 趙伯可亦求書

十二月廿三日雪晴 早飯已趙東湖父子相留之心愈堅余
 以歲除在近且事有未就者別之登舟趙景明獨送至溪邊
 仍再囑乃事 從長蕩湖半日整遠望村落雪樹相連接雖

覺清致。然寒氣亦不少。怒也。抵水北。已日西矣。見曹本齋。時乃弟舜咨山長之抗。其子彦高彦良實彦博俱相接。是

晚集五盃。館客范謙甫同飲。風雪。

廿四日。雪止。寓曹宅。本齋待早飯。已。彦高備馬。同仲方

弟游集仙觀。訪史道山。不遇。壁上鄭子實畫松一株。根生石

上。彦高命予作竹石相對。頗覺稱手。羽士路松隱留三酌。

訪曹愚坡六出。次同仲方弟看鍾呂二仙像。併殿上水壁。

上馬而回。本齋待夜飲。范謙甫共酌。

廿五日。雪意未已。寓曹宅。本齋待早飯。已。欲出。以雪泥。

載道故止之。晚集于曹公穿堂。坐客范謙甫。予及口道士仲

方弟曹彦高。

廿六日。雪作。寓曹宅。本齋待早飯。已。彦高實同出。游花

園。晚刻曹彦高彦良彦實彦博四昆待酒。過集仙曹愚

坡待五酌。

廿七日。雪大作。寓曹宅不可出。曹兄昆仲出紙求書本

齋待飯。晚刻諸弟兄相伴。傳盃至半夜。牕外雪竹一林。壓

倒欲折彥博善吹洞簫。今作數曲送酒。亦日不惡。
廿八日。雪小止。願四望三路。本齋云。雪深如許。君將何
之。只得更留。然歲且盡。寄食于諸公家。自覺無意耳。是夜
彥高昆仲。燒雞具酒。飲至二更。譙甫同集。

廿九日。本齋具早食。已借馬二乘。賦歸。主人堅留不許。予
以新正還舍。有親在堂。不容不動身也。既上馬。莽無歧路。踏
冰而行。午至金壇縣中。次行至珥村。僕夫有倦意。晚抵橫塘。
並無宿處。而馬料亦無。僕夫損足不肯行。有土居趙四官人。

者。設肆壺酒相留。一酌宿。路途中亦難得者。

三十日。早踏雪發橫塘。次抵丹陽縣下馬。見步德二官人。

時充水馬站吏。取馬料喂馬。相留早飯。曹公二僕強之不

可行。且有怨色。發馬遣回。以錢贖之。河冰無舟次踏雪泥自丹陽

覓人夫擔行李。余與弟步行而歸。不勝勞苦。余嘗遣僮僕出
路。每遇雨雪。輒責其緩。蓋不歷此境。則不知也。抵暮至仁和
門外。房清夫家。覓湯洗足。喚馬而歸。清夫留三酌。除夜香
燈甚整。足倦而睡。不及往看。終夜足痛。

至大二年歲在己酉正月初一日拜親陳菊田來留以酒

章子實來留午酌陳行之來相拉過其家小飲回謁朱

良卿三酌吳成甫在坐

初二日晴表叔憫忌陳舍人真空叟三酌雪消

初三日泥滑早賀郭元吉會王應夫俞宜中次回謁章子

實乃尊章司丞相接丹徒戴典史亦至回謁李行簡乃尊

提舉公相接石民瞻來藝子中續至晚約陳舍人李四

乙郎小飲夜雨

初四日陰燒土地紙卜兆吉石民瞻惠筆訪房春谷時自

抗回會陳大師田白雲三酌李四乙郎立于後門前邀入

其家小飲

初五日顧子靜來

初六日章子實來房春谷後至三酌子實約余及春谷到

其家小集大人章君文後至共酌次同春谷訪李仁卿

留酒孫胸山後至路遇盛季高蕭景玉景玉送至冠子巷南分路

七日早晴天無片雲訪堯葵軒會楊古性就問葵軒棟日

孟宅棟大衣羅 訪因勝昂鶴峯長老留飲辭之食姜齋

麪 見盛親家看羅留三酌 戈君讓盛子中來值出 楊

古性來甘雲卿後至三酌 晚送羅還孟宅染紅

初八日早陰 高子西來章君文績至 焦彥明來 賈仲傑

典史來 章子實來求寫章綠帛宅位牌東高摠管送屏風

四扇求書 施公恕自常州來袖帶二大幅永画

初九日陰 出回謁洪天錫 次見孟君澤父子同孟子長回

謁高子西施公恕不遇 回謁焦彥明 次回謁戈君讓不

遇 同子長造勝果寺顏大師具茶次入方丈華山主煮銀

杏小酌有張其姓者帶酒直入予別而出 訪房春谷會田

白雲出與子長分路各歸 騎馬訪章子實同到長安店訪

辛景陽孔德永 演新授臨海主簿自京師來會趙心甫張仲

方二山長別後同子實到蕭景王家茶罷各散

初十日晴 回謁賈仲傑 陳茂叔張泰齋來

十一日晴 洪天錫孟子長來 王竹所來 貢監院來

出訪堯子泰為棟日事會楊趙二兄 見頤子靜知事留三

酌

十二日晴 回謁孟子長乃尊相接會孫湛然 回謁陳茂叔
值出 朱良卿道傍相遇邀茶

十三日晴 盛季高來 施公恕後至所竹二紙

十四日晴 春色盎然 回謁盛季高 同陳景南出到市間

看新酒榜 次回張泰齋禮 次過千秋橋有陳氏子剪紙

燈懸于門首帘帶十六條其間作走獸及人物花草極其精
妙牽縮處只如絲髮狀用乙五月方得辦此 蕭景玉來值

出 晚車子實來同出看燈邀至其家三酌步月而歸

至大二年己酉正月十五日 早路學拜殿言訪孟君澤會洪

九二哥 陳行之來求作小竹一紙湯秋屋後至行之約余
同秋屋出崔林門游張祠及西岳廟回路行之買酒一尊共
飲仍呼一老者壓二絃子消遣半日 祭先

十六日晴暖 飯後同仲同弟游東岳廟 次入靈濟院解后
盛季高蕪硯山房仲明同入僧房有一畏吾僧年方廿五却
着江南禪衣游方問道步趨儼然南僧也 法姓月 車子實來

五酌 晚同朱選卿橋上看月四顧荒城紅燈數點而已
蔡宣使來辭入京

十七日晴 早見袁國梁縣尉不遇范千三即具茶 次到蔡

即中趙仲山張仲方來留午酌同登壽邱見本宗主吸茶

十八日晴 蕪知觀來 陳行之相約同出回湯秋岩禮 次

回謁張仲方回路行之具午麪 林君昭來約小酌

十九日早陰 趙景明自毗陵遣沈提控來 問候邢竹埜

趙仲山王仲章來送刻漏圖 夜大風

二十日風作 送書與王榮之家託轉寄 訪陳茂叔會史克

誠 訪章子實三酌于公右後至傅濟藥方 訪孟子長

在杭時借盛親家鈔二笏今已還訖索回元批本日扯碎訖

晚訪朱良卿解后朱元度講命閑坐半日吳誠甫亦在

廿一日晴 問候潘堯章會陳景南 訪顏子靜 堯葵軒來

待以酒囑棟日事 洪九二哥孟子長來 同長弟到普照

寺看念藏經玉提點邀茶會古厓及浙東二僧

廿二日晴 賈仲傑來酌以酒 龍舟過

廿三日晴。安同舍人自淮州回來見三酌。劉二摠管來。以酒。

廿四日晴。李行簡來。張廷玉來為小弟看脉。

廿五日雨。送郝仲明書與楊古性不遇見張仲方亦出。

至大二年己酉正月廿六日雨。發張德輝書。盛親寄去。

夜大雪。

廿七日雪到燈後大作。戈君讓盛子中來。

廿八日雪止。立契許神香紙。庚戌十二月初一日還說

廿九日晴。張君玉房春谷來五酌。章子實來。

三十日。楊主簿來。願子靜續至。袁仲平。趙仲山後至。以木。

犀象棋一副到報親道院別張君王道判就付陳又新書。蓋明日入京陳菴主具茶楊希徵出紙求書。送字法與章子實。

二月初一日。府學拜殿。耶律經歷下學。師善講書祭如在。

祭神如神在。是早會花提領。新任趙古灘大使陳東村歸舍雨作。孟正夫同觀保下金壇。滿道判來。蔡子中來。

借王荆公萬言書 焦彥明來 嘉興學正陳汝梅趙茂元

來道曹舜咨致意 鄰婦劉氏為父陳舍錢託見陳令少緩

于取索陳舍領余登樓數酌 訪朱良卿會范仁卿李司服

阮大舅邀茶 夜雨

二月二 陰 四哥生日 小集

初三日 四更同二弟到學觀禮 問候邢毅夫會陳東林乃

尊相接 同四哥出見朱敬之 次到張廷玉處取藥 訪

章子實不遇 見趙岳甫大使有客不復進 訪余繼口口

遇 訪郭元吉

初四日 章子實來 倪松岩道錄來

初五日晴 出回謁倪道錄不遇 見滿道录留茶 到安同

舍人家 到林君昭書院 以紅羅錢壹定送孟宅 見龔

子中不口 湖溪趙伯可來待以小集 次同到伯可舟邊

姚兄留茶

初六日 早請趙伯可早飯倪松巖同集飯已出游硯山園見

河間李輔道即中時為財賦事產在園中德符堂置局整吏

續 同伯可游口隆寺本長老延數酌 回路訪鄭子美陳
茂叔俱出與伯可小市分路四哥同行

初七日 到孫園見陳舍為修埤糧事 華堯章來 甘露伏

首座口山雅首座同觀本心數僧來求書画蘭就以墨竹屏

風面子與伏兄雅首座號澹雲 安同舍人引戴宜卿來見

丹徒典史之子也 斗香

二月八日 早夢得一銀盆兩環繫其上掣之有聲而覺蓋

夫自金沙回扣門聲也得曹彥良書 和華堯章詩令長弟

送去 侍 親張祠炷香 次炷西岳行宮香 同二弟口

口口寺 盧元吉表 鄰里錄會為紀君瑞孫女不口收淚

趙伯可來值出 晚雨

至大二年己酉二月初九日 趙伯可來待酒午麪 晚見伯

可次同見盧元吉趙五官人亦往

初十日晴 趙伯可相約早飯已發書請伏虎林首座引領

作焦山之行虎林聞呼即至是日春色佳麗江靜無風到山

見謙遜中維那次入方丈見尊無能長老留茶已領入具

此錄字是樂器以
釀字之誤

屬抄卷初九

選中與中宜考

五十五

五十五

屬抄選中俱作

異中

後選中屢見知

屬抄之誤

屬抄坊

酒煮麪坐者余及趙伯可二僧司官伏首座 登山之頂看
 塔展目眺望次憩于飛仙亭回見雅口雲首座選中煎魚具
 酒小集酒盡伯可先睡度不可回失遣諸僕渡江晚陪尊長
 老虎林澹雲到海門邊看日落一瞬萬頃金波蕩搖可謂奇
 觀散步而回尊老既別仍送酒果到澹雲房小酌次拉虎林
 選中踏月上羅漢岩訪福東濟禪房佛灯熒然爐香未過具
 茗閑話俯視栖鷲危巢皆在窻下與二僧月下聽江聲倚樹
 清論久之一洗城市之塵俗也夜宿選中房虎林共榻

